



Ruj. Kami : JKSM.600-1/2/4 JLD 5 (52)
Takwim : 25 Rabi'ul Akhir 1441H
Tarikh : 23 Disember 2019

Y.A.A. Ketua-Ketua Hakim Syarie,
Mahkamah-mahkamah Syariah Negeri-negeri

ARAHAN AMALAN NO. 11 TAHUN 2019

Pendengaran Permohonan Perintah Interim/Injunksi *Ex-Parte* Yang Difaikkan Atas Perakuan Segera

Saya ingin menarik perhatian Y.A.A. kepada keputusan Mesyuarat Jawatankuasa Induk Arahan Amalan Mahkamah Syariah Seluruh Malaysia pada 2 hingga 3 Rabiul'Awwal 1441H bersamaan 30 hingga 31 Oktober 2019 di Jabatan Kehakiman Syariah Negeri Terengganu telah bersetuju dan mengesahkan untuk menerima pakai Arahan Amalan berhubung Pendengaran Permohonan Perintah Interim/Injunksi *Ex-Parte* Yang Difaikkan Atas Perakuan Segera.

2. Sesuatu permohonan perintah interim yang difaikkan atas Perakuan Segera hendaklah dikendalikan seperti yang berikut:


- (1) sejurus selepas difaikkan, permohonan *ex-parte* tersebut hendaklah dibawa kepada perhatian YA Hakim Mahkamah Tinggi Syariah (selepas ini disebut YA Hakim) berkenaan.
- (2) YA Hakim berkenaan hendaklah seberapa segera menentukan tahap kesegeraan permohonan *ex-parte* tersebut ;

- (3) Jika YA Hakim berkenaan mendapati bahawa—
- (a) permohonan *ex-parte* tersebut berada di tahap kesegeraan yang melampau, YA Hakim berkenaan hendaklah dengan serta merta mendengar permohonan itu;
 - (b) permohonan *ex-parte* tersebut perlu disegerakan perbicaraannya, permohonan itu hendaklah didengar tidak lewat daripada hari bekerja berikutnya; atau
 - (c) permohonan *ex-parte* tersebut tidak perlu disegerakan perbicaraannya, permohonan itu hendaklah didengar pada bila-bila masa dan mengikut apa-apa cara sebagaimana YA Hakim berkenaan fikirkan wajar dan patut, termasuklah memberi arahan penyerahan kertas permohonan untuk pendengaran secara inter-parte.
- (4) walau bagaimanapun, pendengaran permohonan secara inter-parte hendaklah ditetapkan dalam tempoh 21 hari daripada tarikh permohonan *ex-parte* tersebut difailkan.

3. Perakuan Segera adalah sepertimana lampiran.

4. Arahan Amalan ini hendaklah dibaca bersama dengan Arahan Amalan No. 5 Tahun 2016: Garis Panduan Prosiding Ex-Parte Hadhanah dan Injunksi.

Arahan Amalan ini berkuat kuasa serta merta.


(DATO' DR. MOHD NA'IM BIN MOKHTAR)
Ketua Pengarah/Ketua Hakim Syarie
Jabatan Kehakiman Syariah Malaysia
PUTRAJAYA

Lampiran

DI DALAM MAHKAMAH TINGGI SYARIAH DI MALAYSIA
DI

Kes No.:.....

DI ANTARA

NAMAPEMOHON

DENGAN

NAMA RESPONDEN

PERAKUAN SEGERA

Saya Pemohon/Peguam Syarie bagi
Pemohon, dengan ini memohon supaya Permohonan Perintah Interim
..... ditetapkan pendengaran dengan
segera kerana;

1.
2.
3.

Bertarikh pada ;

.....
Pemohon/Peguam Syarie

Perakuan Segera ini difailkan oleh